

# **TAWARAN B**

## **Sarjana Perubatan Sesi 2025/2026**

**Permohonan Kemudahan Cuti Belajar Bergaji  
Penuh dengan Hadiah Latihan Persekutuan bagi  
Pegawai Perubatan Lantikan Tetap dan Program  
Latihan Kepakaran dengan Biasiswa bagi  
Pegawai Perubatan Lantikan Kontrak**

Permohonan Tawaran B ini terbuka kepada semua Pegawai Perubatan Lantikan Tetap dan Lantikan Kontrak di Kementerian Kesihatan Malaysia yang memenuhi syarat-syarat permohonan.

## SARJANA PERUBATAN SESI 2025/2026

### **TAWARAN KEMUDAHAN CUTI BELAJAR BERGAJI PENUH DENGAN HADIAH LATIHAN PERSEKUTUAN BAGI PEGAWAI PERUBATAN LANTIKAN TETAP DAN PROGRAM LATIHAN KEPAKARAN DENGAN BIASISWA BAGI PEGAWAI PERUBATAN LANTIKAN KONTRAK**

---

#### **SYARAT-SYARAT PERMOHONAN**

##### **1. PEGAWAI YANG LAYAK MEMOHON:**

###### **PEGAWAI PERUBATAN LANTIKAN TETAP**

- 1.1. Pegawai Perubatan Kementerian Kesihatan Malaysia (KKM) yang dilantik tetap **sebelum 1 Januari 2021**; atau
- 1.2. Pegawai Perubatan KKM Lantikan Kontrak **sebelum 1 Januari 2021 yang dilantik tetap sehingga tarikh tutup permohonan**; atau

###### **PEGAWAI PERUBATAN LANTIKAN KONTRAK**

- 1.3. Pegawai Perubatan KKM lantikan kontrak di bawah Surat Pekeliling Ketua Setiausaha (SPKSU) Bil 4/2016 dan masih dalam perkhidmatan pada tarikh tutup permohonan; atau
- 1.4. Pegawai Perubatan KKM lantikan kontrak yang mendapat tawaran kesinambungan perkhidmatan bagi persediaan pengajian kepakaran seperti yang diperuntukkan dalam surat edaran Timbalan Ketua Setiausaha (Pengurusan) rujukan KKM-500-8/1/20 Jld. 8 (11) bertarikh 5 Januari 2022; atau
- 1.5. Pegawai Perubatan KKM lantikan kontrak **sehingga 31 Disember 2021** yang menjalani Latihan Siswazah atau *Housemanship* di luar negara;

##### **2. SYARAT- SYARAT AM**

- 2.1. Telah berdaftar **penuh** dengan Majlis Perubatan Malaysia (MPM);
- 2.2. Mempunyai pengalaman klinikal sekurang-kurangnya **satu (1) tahun** selepas pendaftaran penuh;
- 2.3. Telah berkhidmat dengan KKM sekurang-kurangnya **tiga (3) tahun** (termasuk latihan siswazah) dan dilantik pada/sebelum **1 Januari 2021**;
- 2.4. Berumur tidak melebihi **43 tahun** pada **tarikh tutup permohonan (tertakluk kepada syarat khusus bidang)**;
- 2.5. Lulus Bahasa Melayu termasuk Ujian Lisan di peringkat Sijil Pelajaran Malaysia (SPM);

- 2.6. Pegawai perlu mempunyai prestasi cemerlang dengan markah purata Laporan Nilaian Prestasi Tahunan (LNPT) tidak kurang daripada 85% bagi mana-mana tiga (3) tahun yang tertinggi daripada lima (5) tahun terakhir perkhidmatan pegawai (penilaian genap 12 bulan bagi setiap tahun);
- 2.7. Pengecualian penilaian genap 12 bulan bagi tahun penilaian diberikan kepada Pegawai wanita yang pernah mengambil Cuti Tanpa Gaji (CTG) atau Cuti Separuh Gaji (CSG) untuk menjaga anak tidak melebihi 90 hari dalam tahun penilaian sebagaimana ketetapan Pekeliling Perkhidmatan Bil. 5 Tahun 2014;
- 2.8. Pengecualian penilaian genap 12 bulan untuk pengiraan purata LNPT diberikan kepada Pegawai Lantikan Kontrak yang menjalani Latihan Siswazah atau *Housemanship* di luar negara (**Lantikan sehingga 31 Disember 2021**);
- 2.9. Tidak pernah menerima sebarang tajaan Kerajaan Malaysia bagi peringkat kursus yang sama;
- 2.10. Tidak pernah gagal atau menarik diri daripada sebarang kursus tajaan Kerajaan Malaysia;
- 2.11. Tidak pernah menolak tawaran yang ditawarkan oleh Bahagian Pengurusan Latihan (BPL), KKM dalam tempoh dua (2) sesi yang lepas;
- 2.12. Bebas/bersih daripada sebarang pertuduhan, prosiding dan tindakan tatatertib, siasatan dan/ atau dalam proses dakwaan Mahkamah;
- 2.13. Pegawai dikehendaki membuat perakuan mengenai status kesihatan masing-masing. Masalah kesihatan tertentu boleh menyebabkan pegawai tidak dapat memenuhi tanggungjawab profesional dan peribadinya, dan seterusnya boleh menyebabkan pegawai tidak dapat mengamal dengan selamat disebabkan oleh penyakit fizikal atau mental;
- 2.14. Bagi pegawai yang mempunyai masalah kesihatan seperti di **Lampiran A**, kesesuaian untuk diterima menjalani latihan kepakaran akan ditentukan oleh Jawatankuasa Teknikal bagi Bidang Kepakaran masing-masing. Pegawai perlu mengemukakan laporan perubatan dari pakar perubatan Kerajaan untuk mengesahkan status kesihatan dan rawatan terkini;
- 2.15. Telah mengisyiharkan harta dalam tempoh lima (5) tahun terkini;
- 2.16. Pegawai bukan merupakan Peminjam Tegar atau peminjam yang disenaraihitamkan oleh Jabatan Perkhidmatan Awam (JPA) atau badan-badan pinjaman Kerajaan yang lain;
- 2.17. Semua permohonan yang dikemukakan hendaklah mematuhi prinsip-prinsip asas yang dinyatakan dalam Garis Panduan Kemudahan Cuti Belajar Kepada Pegawai Awam Yang Mengikuti Kursus Jangka Sederhana dan Kursus Jangka Panjang secara sepenuhnya;

### 3. SYARAT-SYARAT KHUSUS MENGIKUT BIDANG

BIL.	BIDANG	SYARAT-SYARAT KHUSUS
1.	Obstetrik dan Ginekologi	<ul style="list-style-type: none"> <li>i. Berumur <b>tidak melebihi 40 tahun</b> pada tarikh tutup iklan;</li> <li>ii. Mempunyai sijil Peperiksaan MedEx bidang Obstetrik dan Ginekologi yang sah pada tarikh tutup iklan; <b>atau</b></li> <li>iii. Telah berdaftar untuk menduduki MedEx pada November/Disember 2024 pada tarikh tutup iklan; dan</li> <li>iv. Lulus temuduga yang ditetapkan.</li> </ul>
2.	Anestesiologi	<ul style="list-style-type: none"> <li>i. Mempunyai sijil Peperiksaan MedEx bidang Anestesiologi sah pada tarikh tutup iklan; <b>atau</b></li> <li>ii. Telah berdaftar untuk menduduki MedEx pada November/Disember 2024 pada tarikh tutup iklan; dan</li> <li>iii. Mempunyai pengalaman sekurang-kurangnya 12 bulan (tidak termasuk latihan siswazah) di dalam bidang Anestesiologi dan Rawatan Kritikal.</li> </ul>
3.	Pediatrik	<ul style="list-style-type: none"> <li>i. Mempunyai sijil Peperiksaan MedEx bidang Pediatrik Am dengan keputusan Band 4 ke atas yang sah pada tarikh tutup iklan (tempoh sah laku sijil MedEx adalah 3 tahun dari tarikh peperiksaan); atau</li> <li>ii. Telah berdaftar untuk menduduki MedEx pada November/ Disember 2024 pada tarikh tutup iklan; atau</li> <li>iii. Lulus Peperiksaan MRCPCH Part 1 (b); yang masih dalam tempoh sah laku.</li> </ul>
4.	Perubatan Dalaman	<ul style="list-style-type: none"> <li>i. Mempunyai sijil Peperiksaan MedEx Perubatan Dalaman dengan keputusan Band 4 ke atas yang sah pada tarikh tutup iklan (tempoh sah laku sijil MedEx adalah 2 tahun dari tarikh peperiksaaan); <b>atau</b></li> </ul>

BIL.	BIDANG	SYARAT-SYARAT KHUSUS
		<p>ii. Lulus sekurang-kurangnya Peperiksaan MRCP (UK) Part 1 atau MRCP (I) <i>General Medicine</i> Part 1 yang masih dalam tempoh sah laku.</p>
5.	Psikiatri	<p>i. Mempunyai sijil Peperiksaan MedEx, minima <b>Band 4</b> yang sah pada tarikh tutup iklan; <b>atau</b></p> <p>ii. Telah berdaftar untuk menduduki MedEx pada November/Disember 2024 pada tarikh tutup iklan; <b>atau</b></p> <p>iii. Lulus peperiksaan Membership of Royal Colleges of Psychiatrists (MRCPsych (UK)) Part A atau B;</p> <p>iv. Pengetahuan Klinikal dan Kemahiran Profesional <ul style="list-style-type: none"> <li>- Dokumentasi lengkap <i>Essential Learning Activities (ELA)</i> beserta penilaian <i>Workplace-based Assessment (WBA)</i> yang berkaitan Penilaian Kemasukan;</li> <li>- Menghadiri kursus persediaan dalam psikiatri, konferen atau bengkel psikiatri, menjalankan penyelidikan/audit dan/atau menerbitkan artikel yang berkaitan psikiatri;</li> </ul> </p> <p>v. Pengalaman klinikal <ul style="list-style-type: none"> <li>- Pengalaman dalam merawat kes-kes psikiatri yang lazim seperti penyakit psikosis, <i>mood</i> dan <i>anxiety</i> sewaktu bertugas di jabatan psikiatri atau pengalaman yang diperolehi sewaktu bertugas di pusat kesihatan primer bersama Pakar Perubatan Keluarga; dan</li> </ul> </p> <p>vi. Lulus temuduga yang ditetapkan.</p>
6.	Radiologi	<p>i. Mempunyai sijil Peperiksaan MedEx dalam bidang Radiologi yang sah pada tarikh tutup iklan; <b>atau</b></p> <p>ii. Telah berdaftar untuk menduduki MedEx pada November/Disember 2024 pada tarikh tutup iklan; dan</p> <p>iii. Pengetahuan Klinikal dan Kemahiran Profesional; <ul style="list-style-type: none"> <li>- Boleh melaksanakan tugasan seperti yang termaktub di dalam penilaian <i>Examination Learning Activities (ELA)</i>;</li> </ul> </p>

BIL.	BIDANG	SYARAT-SYARAT KHUSUS
		<ul style="list-style-type: none"> <li>- Memahami skop tugas Radiologi sebagai satu bidang Kepakaran dan mempunyai komitmen yang kukuh terhadap bidang Radiologi;</li> <li>- Mempunyai pengalaman di dalam menjalankan penyelidikan/audit; dan</li> <li>iv. Lulus temuduga &amp; Penilaian OSCE yang dikendalikan oleh Jawatankuasa Bersama Kepakaran Perubatan Radiologi.</li> </ul>
7.	Surgeri Am	<ul style="list-style-type: none"> <li>i. Berumur <b>tidak melebihi 38 tahun</b> pada tarikh tutup permohonan;</li> <li>ii. Mempunyai sijil Peperiksaan MedEx dalam bidang Surgeri Am yang sah pada tarikh tutup iklan; <b>atau</b></li> <li>iii. Telah berdaftar untuk menduduki MedEx Surgeri Am sesi November 2024 pada tarikh tutup iklan;</li> <li>iv. Lulus temuduga yang ditetapkan; dan</li> <li>v. Untuk menjamin kesihatan pesakit sentiasa dilindungi, Pegawai yang menghidap penyakit HIV, Hepatitis B dan Hepatitis C dianjurkan <b>TIDAK</b> memohon bidang Surgeri Am.</li> </ul>
8.	Oftalmologi	<ul style="list-style-type: none"> <li>i. Mempunyai sijil Peperiksaan MedEx dalam bidang Oftalmologi (minima Band 4) yang sah pada tarikh tutup iklan; <b>atau</b></li> <li>ii. Lulus <i>Basic Science Examination</i> (Oftalmologi) dalam tempoh 5 tahun dan sijil masih sah pada tahun 2024; dan</li> <li>iii. Lulus temuduga yang ditetapkan</li> </ul>
9.	Ortopedik	<ul style="list-style-type: none"> <li>i. Berumur <b>kurang dari 38 tahun</b> pada tarikh iklan ditutup</li> <li>ii. Mempunyai sekurang-kurangnya 18 bulan pengalaman dalam bidang Ortopedik sebagai Pegawai Perubatan.</li> </ul>

BIL.	BIDANG	SYARAT-SYARAT KHUSUS
		<ul style="list-style-type: none"> <li>iii. Mempunyai sijil Peperiksaan MedEx dalam bidang Ortopedik dengan kelulusan sekurang-kurangnya Band 4 yang sah pada tarikh tutup iklan; atau</li> <li>iv. Telah berdaftar untuk menduduki peperiksaan MedEx pada November/Disember 2024 pada tarikh tutup iklan dan seterusnya lulus sekurang-kurangnya pada tahap Band 4 pada peperiksaan tersebut.</li> <li>v. Lulus penilaian OSCE yang dikendalikan oleh Jawatankuasa Selection of Postgraduate Orthopaedic Trainee (SPOT) di bawah Orthopaedic Specialty Committee (OSC).</li> <li>vi. Mendapat perakuan kepujian dari sekurang-kurangnya dua (2) pakar Ortopedik UD54 dan keatas termasuk Ketua Jabatan tempat bertugas.</li> </ul>
10.	Otorinolaringologi	<ul style="list-style-type: none"> <li>i. Berumur <b>tidak melebihi 40 tahun</b> pada tarikh tutup iklan; dan</li> <li>ii. Mempunyai sijil Peperiksaan MedEx minima Band 4 dalam bidang Otorinolaringologi yang sah pada tarikh tutup iklan; atau</li> <li>iii. Telah berdaftar untuk menduduki MedEx pada November/Disember 2024 pada tarikh tutup iklan;</li> <li>iv. Mempunyai sekurang-kurangnya <b>24 bulan pengalaman</b> sebagai Pegawai Perubatan;</li> <li>v. Lulus temuduga yang ditetapkan.</li> </ul>
11.	Patologi	<ul style="list-style-type: none"> <li>i. Mempunyai sijil Peperiksaan MedEx dalam bidang Patologi yang sah pada tarikh tutup iklan; atau</li> <li>ii. Telah berdaftar untuk menduduki MedEx pada November/Disember 2024 pada tarikh tutup iklan.</li> </ul>
12.	Perubatan Keluarga	<ul style="list-style-type: none"> <li>i. Mempunyai sijil Peperiksaan MedEx dalam bidang Perubatan Keluarga minima <b>Band 4</b> yang sah pada tarikh tutup iklan; atau</li> </ul>

BIL.	BIDANG	SYARAT-SYARAT KHUSUS
		<ul style="list-style-type: none"> <li>ii. Telah berdaftar untuk menduduki MedEx pada November/Disember 2024 pada tarikh tutup iklan; dan</li> <li>iii. Lulus temuduga yang ditetapkan.</li> </ul>
13.	Kesihatan Awam/ Masyarakat	<ul style="list-style-type: none"> <li>i. Mempunyai sijil Peperiksaan MedEx dalam bidang Kesihatan Awam yang sah pada tarikh tutup iklan; atau</li> <li>ii. Telah berdaftar untuk menduduki MedEx pada November/Disember 2024 pada tarikh tutup iklan;</li> <li>iii. Pegawai telah <b>berdaftar</b> dalam Program Latihan Pra Kepakaran Perubatan Kesihatan Awam <b>sebelum tarikh siaran Iklan Tawaran ini</b>;</li> <li>iv. Pegawai perlu <b>melengkapkan Buku Log Latihan Pra Kepakaran Perubatan Kesihatan Awam</b>; dan</li> <li>v. Pegawai perlu <b>diperakui oleh Mentor yang dilantik</b> (iaitu seorang pakar Perubatan Kesihatan Awam) seperti di Buku Log Latihan Pra Kepakaran Perubatan Kesihatan Awam KKM (Perkara 12).</li> </ul>
14.	Perubatan Sukan	<ul style="list-style-type: none"> <li>i. Mempunyai sijil Peperiksaan MedEx dalam bidang Perubatan Sukan minima <b>band 4</b> yang sah pada tarikh tutup iklan; atau</li> <li>ii. Telah berdaftar untuk menduduki MedEx pada November/Disember 2024 pada tarikh tutup iklan; dan</li> <li>iii. Lulus <b>temuduga dan penilaian OSCE</b> yang dikendalikan oleh Jawatankuasa Bersama Kepakaran Perubatan Sukan.</li> </ul>
15.	Perubatan Pemulihan	<ul style="list-style-type: none"> <li>i. Mempunyai sijil Peperiksaan MedEx dalam bidang Perubatan Pemulihan minima <b>band 4</b> yang sah pada tarikh tutup iklan; atau</li> <li>ii. Telah berdaftar untuk menduduki MedEx pada November/Disember 2024 pada tarikh tutup iklan;</li> </ul>

BIL.	BIDANG	SYARAT-SYARAT KHUSUS
		<ul style="list-style-type: none"> <li>iii. Lulus <b>temuduga dan penilaian OSCE</b> yang dikendalikan oleh Jawatankuasa Bersama Kepakaran Perubatan Pemulihan; dan</li> <li>iv. Mempunyai sekurang-kurangnya <b>12 bulan pengalaman dalam bidang Perubatan Pemulihan</b> sebagai Pegawai Perubatan.</li> </ul>
16.	Perubatan Kecemasan	<ul style="list-style-type: none"> <li>i. Mempunyai sijil Peperiksaan MedEx dalam bidang Perubatan Kecemasan yang sah pada tarikh tutup iklan; atau</li> <li>ii. Telah berdaftar untuk menduduki MedEx pada November/Disember 2024 pada tarikh tutup iklan;</li> <li>iii. Lulus <b>temuduga dan penilaian OSCE</b> yang dikendalikan oleh Jawatankuasa Bersama Kepakaran Perubatan Kecemasan;</li> <li>iv. Mempunyai <b>sekurang-kurangnya dua belas (12) bulan pengalaman</b> dalam bidang perubatan kecemasan sebagai Pegawai Perubatan;</li> <li>v. Telah menghadiri dan menamatkan dengan jaya Kursus <i>Advance Cardiac Life Support</i> (e.g ACLS, ALS) dan <i>Trauma Life Support</i> (TLS) atau setara dengannya; dan</li> <li>vi. Telah melengkapkan <i>Essential Learning Activities 1-6</i> (ELAs) dan disahkan oleh Pakar Kecemasan/Pegawai yang menyelia. Borang dan tatacara pengendalian ELAs boleh didapati di pautan berikut:   <a href="https://drive.google.com/file/d/1EEfemHMnjzY0IoeI4_dlr3N2YDieY4h/view?usp=drivesdk">https://drive.google.com/file/d/1EEfemHMnjzY0IoeI4_dlr3N2YDieY4h/view?usp=drivesdk</a> </li> </ul>
17.	Neurosugeri	<ul style="list-style-type: none"> <li>i. Mempunyai sijil Peperiksaan MedEx dalam bidang neurosugeri minima <b>Band 4</b> yang sah pada tarikh tutup iklan; atau</li> <li>ii. Telah berdaftar untuk menduduki MedEx pada November/Disember 2024 pada tarikh tutup iklan;</li> <li>iii. <b>Lulus saringan temuduga</b> yang dijalankan oleh bidang <b>Neurosugeri KKM dan universiti</b> yang menawarkan program kepakaran Neurosugeri; dan</li> </ul>

BIL.	BIDANG	SYARAT-SYARAT KHUSUS
		<p>iv. Mempunyai pengalaman dalam bidang pembedahan selama <b>dua (2) tahun</b> sebagai pegawai perubatan <b>[18 bulan didalam bidang Neurosurgeri dan enam (6) bulan di dalam Pembedahan Am]</b>.</p>
18.	Plastik Surgeri	<p>i. Mempunyai sijil Peperiksaan MedEx dalam bidang Surgeri Plastik minima <b>Band 4</b> yang sah pada tarikh tutup iklan; atau</p> <p>ii. Telah berdaftar untuk menduduki MedEx pada November/Disember 2024 pada tarikh tutup iklan;</p> <p>iii. Mempunyai pengalaman di dalam bidang pembedahan selama <b>dua (2) tahun</b> sebagai pegawai perubatan <b>[18 bulan didalam bidang pembedahan am dan enam (6) bulan di dalam lain-lain cabang pembedahan atau kecemasan]</b>; dan</p> <p>iv. Lulus temuduga yang ditetapkan.</p>
19.	Klinikal Onkologi	<p>i. Mempunyai sijil Peperiksaan MedEx dalam bidang Klinikal Onkologi yang sah (minima <b>Band 4</b>) pada tarikh tutup iklan; atau</p> <p>ii. Telah berdaftar untuk menduduki MedEx pada November/Disember 2024 pada tarikh tutup iklan;</p> <p>iii. Mempunyai sekurang-kurangnya dua (2) tahun pengalaman klinikal sebagai Pegawai Perubatan termasuk enam (6) bulan dalam bidang Perubatan Dalaman dan enam (6) bulan dalam bidang pembedahan, dan melakukan tugas atas panggilan secara aktif;</p> <p>iv. Tempoh sah pengalaman seperti yang dinyatakan di perkara (iii) adalah lima (5) tahun sebelum tawaran. Pengalaman sebelum tahun 2020 tidak akan diambil kira; dan</p> <p>v. Lulus temuduga yang ditetapkan.</p>

BIL.	BIDANG	SYARAT-SYARAT KHUSUS
20.	Pembedahan Kanak-kanak	<ul style="list-style-type: none"> <li>i. Mempunyai sijil Peperiksaan MedEx dalam bidang Surgeri Pediatrik yang sah pada tarikh tutup iklan; atau</li> <li>ii. Telah berdaftar untuk menduduki MedEx pada November/ Disember 2024 pada tarikh tutup iklan;</li> <li>iii. Mempunyai pengalaman selama <b>dua (2) tahun</b> pengalaman sebagai Pegawai Perubatan termasuk minima enam (6) bulan dalam bidang Surgeri Am atau Pediatrik Am; dan</li> <li>iv. Lulus temuduga yang ditetapkan.</li> </ul>
21.	Perubatan Transfusi	<ul style="list-style-type: none"> <li>i. Mempunyai sijil Peperiksaan MedEx dalam bidang Perubatan Transfusi minima <b>Band 4</b> yang sah pada tarikh tutup iklan; atau</li> <li>ii. Telah berdaftar untuk menduduki MedEx pada November/ Disember 2024 pada tarikh tutup iklan; dan</li> <li>iii. Mempunyai pengalaman selama satu (1) tahun sebagai Pegawai Perubatan (pengalaman di Jabatan/Unit Perubatan Transfusi merupakan kelebihan tambahan);</li> <li>iv. Lulus temuduga yang ditetapkan; dan</li> <li>v. Bagi menjamin kualiti perkhidmatan, pegawai yang disahkan menghidap penyakit atau masalah yang boleh menjelaskan prestasi tugas dalam tempoh yang panjang [sebagai contoh tiga (3) bulan] dianjurkan agar <b>TIDAK</b> memohon bidang Perubatan Transfusi.</li> </ul>
22.	Perubatan Nuklear	<ul style="list-style-type: none"> <li>i. Mempunyai sijil Peperiksaan MedEx dalam bidang Perubatan Nuklear yang sah dengan keputusan minima Band 4 pada tarikh tutup iklan; atau</li> <li>ii. Telah berdaftar untuk menduduki MedEx pada November/ Disember 2024 pada tarikh tutup iklan;</li> <li>iii. Mempunyai pengalaman selama dua (2) tahun pengalaman sebagai Pegawai Perubatan.</li> </ul>

BIL.	BIDANG	SYARAT-SYARAT KHUSUS
		<p>(pengalaman di bidang Perubatan Nuklear atau Radiologi merupakan kelebihan tambahan); dan</p> <p>iv. Lulus temuduga yang ditetapkan.</p>
23.	Forensik	<p>i. Mempunyai sijil dan lulus Peperiksaan MedEx dalam bidang Patologi yang sah pada tarikh tutup iklan; atau</p> <p>ii. Telah berdaftar untuk menduduki MedEx pada November/ Disember 2024 pada tarikh tutup iklan;</p> <p>iii. Mempunyai pengalaman selama satu (1) tahun sebagai Pegawai Perubatan di Jabatan atau Unit Perubatan Forensik;</p> <p>iv. Melengkapkan <b>logbook</b> minima <b>50 kes</b> (diberi keutamaan);</p> <p>v. Lulus temuduga yang ditetapkan; dan</p> <p>vi. Untuk menjamin kualiti perkhidmatan, pegawai yang menghidap penyakit rabun warna, sawan dan lain-lain penyakit yang boleh mempengaruhi prestasi tugas dianjurkan <b>TIDAK</b> memohon bidang Forensik. Bagi penyakit rabun warna, pertimbangan adalah tertakluk kepada penilaian perubatan.</p>

## KAEDAH PENGAJIAN

1. Kaedah pengajian adalah seperti berikut:

### 1.1 Sistem Bersepadu

Menjalani latihan klinikal melalui konsep pusingan penempatan (*rotational attachment*) sepanjang tempoh pengajian selama empat (4) tahun di Fasiliti KKM dan Universiti Awam (UA) dengan kemudahan Cuti Belajar Bergaji Penuh (CBBP) dengan Hadiah Latihan Persekutuan (HLP) bagi Pegawai Lantikan Tetap **atau** Pelepasan Khas bagi mengikuti Program Latihan Kepakaran (PLK) dengan Biasiswa bagi Pegawai Lantikan Kontrak.

## BIDANG PENGAJIAN

1. Bidang yang ditawarkan adalah seperti berikut (tertakluk kepada perubahan):

- 01 - Obstetrik dan Ginekologi
- 02 – Anestesiologi
- 03 – Pediatrik
- 04 - Perubatan Dalaman
- 05 - Psikiatri
- 06 – Radiologi
- 07 – Surgeri Am
- 08 - Oftalmologi
- 09 - Ortopedik
- 10 - Otorinolaringologi
- 11 - Patologi
- 12 - Perubatan Keluarga
- 13 - Kesihatan Awam/ Masyarakat
- 14 - Perubatan Sukan
- 15 - Perubatan Pemulihan
- 16 - Perubatan Kecemasan
- 17 – Neurosurgeri
- 18 – Plastik Surgeri
- 19 – Klinikal Onkologi
- 20 - Pembedaan Kanak-kanak
- 21 - Perubatan Transfusi
- 22 - Perubatan Nuklear
- 23 – Forensik

## TAWARAN PROGRAM SARJANA PERUBATAN

1. Tawaran program Sarjana Perubatan dengan HLP atau Biasiswa adalah tertakluk kepada syarat-syarat berikut:
  - 1.1 Hanya Pegawai yang **layak tapisan KKM** akan dipertimbangkan untuk mengikuti Program Sarjana Perubatan. **Pegawai yang tidak memohon atau melepas tapisan KKM** walaupun telah ditawarkan tempat pengajian di Universiti Awam **tidak akan dipertimbangkan** untuk sebarang kemudahan penajaan di bawah KKM;
  - 1.2 KKM berhak menentukan penempatan latihan bagi pegawai yang mengikuti latihan secara Sistem Bersepadu di mana-mana hospital KKM yang diiktiraf oleh Universiti Awam sebelum pengajian sepenuh masa di universiti;
  - 1.3 Surat tawaran hanya dikeluarkan kepada pegawai yang berjaya sahaja oleh BPL, KKM melalui Ketua Jabatan masing-masing (Pengarah Kesihatan Negeri/ Hospital/ Institusi/ Bahagian). **Tawaran yang dikeluarkan oleh BPL sahaja dianggap sah untuk mengikuti program Sarjana Perubatan ini;**

- 1.4 Pegawai yang menolak tawaran ini akan **disenarai hitam** dari memohon kemasukan ke Program Sarjana Perubatan untuk **dua (2) sesi penawaran**;
- 1.5 Pegawai tidak dibenarkan untuk menarik diri setelah menandatangani kontrak perjanjian. Pegawai adalah tertakluk kepada Kontrak Perjanjian yang berkuatkuasa dan akan **dikenakan penalti/ganti rugi sejumlah RM350,000.00 sekiranya gagal dalam tempoh pengajian atau melanggar mana-mana syarat perjanjian penajaan HLP atau PLK.**

## CARA UNTUK MEMOHON

1. Permohonan hendaklah dibuat kepada BPL secara dalam talian (*online*) menerusi Sistem eHLP KKM (<http://ehlp.moh.gov.my>).
2. Calon yang melepas saringan syarat am dan syarat khusus bidang akan dihubungi oleh Jawatankuasa Kepakaran Bidang masing-masing. Sebagai makluman, **kelayakan ke saringan temu duga tidak akan dimaklumkan melalui sistem eHLP**.
3. Mengemukakan dua (2) laporan sokongan daripada Penyelia/Ketua Jabatan [penilaian perlu menekankan aspek pengetahuan, prestasi, sikap dan kapasiti, *Essential Learning Activities* (mana-mana berkaitan)] kepada JK Kepakaran Bidang/Universiti semasa temu duga (**sekiranya diperlukan**).
4. Bagi bidang yang tiada saringan temu duga, Jawatankuasa Kepakaran Bidang akan melaksanakan saringan berdasarkan keperluan bidang dan keputusan calon berjaya boleh disemak bersekali dengan calon berjaya yang melepas saringan temu duga.

## **PERINGATAN PENTING KEPADA SEMUA PEGAWAI**

1. Permohonan Tawaran B Sesi 2025/2026 akan dibuka secara dalam talian sepenuhnya menerusi Sistem Permohonan eHLP KKM (<http://ehlp.moh.gov.my>). Permohonan boleh dibuat mulai **23 September hingga 20 Oktober 2024**.
2. Pemohon dinasihatkan untuk **merujuk kepada Unit Sumber Manusia** terlebih dahulu sebelum membuat pengisian maklumat perkhidmatan seperti lantikan, LNPT dan Cuti Tanpa Gaji/Cuti Separuh Gaji kerana **pengisian tidak tepat akan menyebabkan permohonan [TIDAK BERJAYA]**. Pegawai boleh merujuk **Lampiran I** sebagai rujukan Unit Sumber Manusia yang menjaga Buku Rekod Perkhidmatan. (Sila hubungi pihak urus setia jika Unit Sumber Manusia tiada dalam sistem eHLP)
3. Permohonan akan melalui Unit Sumber Manusia di jabatan/fasiliti pemohon bagi **tujuan pengesahan maklumat** sebelum dipanjangkan kepada Ketua Jabatan.
4. Sekiranya kesemua maklumat telah diperakui oleh Unit Sumber Manusia, notifikasi permohonan akan dihantar melalui emel kepada Ketua Jabatan. **Pemohon boleh menyemak status penghantaran permohonan secara berkala dalam sistem eHLP KKM** bagi mengetahui status semasa permohonan anda.
5. Permohonan yang **tidak diambil tindakan pengesahan dan tidak dihantar sehingga tarikh tutup pengesahan akan dikemaskini secara automatik kepada [TIDAK BERJAYA]**.
6. Sila pastikan emel Ketua Jabatan adalah betul kerana emel ini akan digunakan untuk penghantaran pautan sokongan.
7. Pemohon dinasihatkan untuk membuat *follow up* dengan Ketua Jabatan sekiranya permohonan belum diambil tindakan sokongan.
8. Permohonan yang **tidak diambil tindakan sokongan dan tidak dihantar sehingga tarikh tutup sokongan akan dikemaskini secara automatik kepada [TIDAK BERJAYA]**.
9. Tarikh-tarikh penting adalah seperti berikut (tertakluk kepada pindaan):

BIL.	PERKARA	TARIKH
i.	Tempoh permohonan dibuka di laman sesawang Sistem Permohonan eHLP KKM ( <a href="http://ehlp.moh.gov.my">http://ehlp.moh.gov.my</a> )	23 September hingga 20 Oktober 2024
ii.	Tarikh akhir bagi pengesahan Unit Sumber Manusia	27 Oktober 2024
iii.	Tarikh akhir bagi sokongan Ketua Jabatan	3 November 2024
iv.	Urusan temu duga	Antara Disember 2024 hingga 31 Januari 2025
v.	Semakan keputusan tawaran di laman sesawang Sistem Permohonan eHLP KKM ( <a href="http://ehlp.moh.gov.my">http://ehlp.moh.gov.my</a> )	April 2025

### **TANGGUNGJAWAB KETUA JABATAN/PENYELIA**

1. Ketua Jabatan/Penyelia adalah dinasihatkan supaya membuat semakan yang teliti dan memberi **sepenuh perhatian kepada syarat-syarat yang ditetapkan**. Adalah menjadi tanggungjawab Ketua Jabatan/Penyelia **untuk memperakukan pegawai yang benar-benar sesuai, berkelayakan serta memenuhi syarat-syarat yang ditetapkan**.
2. Ketua Jabatan/Penyelia adalah diminta untuk membuat perancangan yang teliti dan **hanya memperakukan pegawai yang boleh dilepaskan pada tahun 2025/2026 kelak**. Sekiranya kesemua pegawai yang diperakukan oleh Jabatan berjaya ditawarkan mengikuti Program Kepakaran ini, Ketua Jabatan berkenaan adalah dikehendaki memberi pelepasan kepada mereka untuk menjalani pengajian.
3. BPL, KKM berhak membatalkan permohonan yang didapati tidak mematuhi syarat-syarat dan peraturan-peraturan yang telah ditetapkan.

### **SEBARANG PERTANYAAN BERHUBUNG PERMOHONAN TAWARAN B UNTUK MENGIKUTI PROGRAM LATIHAN KEPAKARAN SECARA SEPENUH MASA,**

**SILA HUBUNGI:**

**Urus setia Tawaran B,  
Program Kepakaran 1,  
Bahagian Pengurusan Latihan,  
Kementerian Kesihatan Malaysia  
emel: penawaran\_ldp@moh.gov.my**

**JENIS-JENIS PENYAKIT**

- a. Penyakit Mental (*Mental illness*);
- b. Penyakit Sistem Saraf (Strok, *Dementia*) [*Neurological Illness, (Cerebrovascular Accident, Dementia)*];
- c. Penyalahgunaan dan ketagihan dadah (*Substance abuse and dependence*);
- d. Ketidakupayaan fizikal atau kurang upaya (*Physical disabilities or handicap*);
- e. Masalah perubatan, termasuk yang berkaitan penuaan dan jangkitan yang kronik (*Medical conditions, including those related to ageing and chronic infections*);
- f. Lain-lain masalah perubatan yang boleh menjelaskan keupayaan untuk mengamal (*Any other conditions which may give rise to impairment to practitioners*).

\*Sumber rujukan: *Managing Impaired Registered Medical Practitioners, Guideline of the Malaysian Medical Council*, MMC Guideline 001/2010